

۷۷۷۷۷۷۷۷

سنة : ۲ محرم ۱۳۴۳ نموز ۱۳۴۰ صائی : ۱۵

دَارُ الْفُنُونِ

حقوق فائز اولیٰ محمد علی

حقوق اقتصادیات

ایکی آبدہ بر نشر اولنور

مندرجات

قسم حقوقی :

قضا صلاحیتک شخص وموقع اعتباریلہ تابع اولدیقی تجدیدات [جیل]
میراث ونفقہ ولی ووصیلرہ اذن اعطاسی خصوصندہ صلاحیتدار اولان محکمہ . . . [رشید]
فرانسه حقوق مدنیہ سندہ علت نظریہ سی [صدیق سائی]

قسم اقتصادی :

استقراض و دیون عمومیه [مابعد] [عینی زاده حسن تحسین]

وثائق قسمی :

واجبات قومیسینوفی ضبطنامہ لری
حقوق مؤسسہ سی تاریخی [ماردینی زاده ابوالعلا]

استانبول — مطبعۂ عامرہ

۱۳۴۰ — ۱۳۴۳

استقراضات نصل عقد اولنور

۱. — استقراضاتك مختلف انواعى

استقراض ایدن دولت مختلف طرزده حرکت ایدر . اوچ درلو استقراض واردر :
استقراض مجبوری ، استقراض وطنپرورانه ، استقراض عادى . برنجیسی جیره مستنددر .
ایکنجیسی حسیاته ، اوچنجیسی اصحاب ایرادك یعنی رانتیهلرك منافعه مراجعت ایدر .
بنابرین موفقیتی دائمی اولان و دولتك کثرتله مراجعت ایتمسی لازم کلن آنجق اشبواوچنجی
نوع استقراضلردر .

استقراضات مجبوریه . — استقراض مجبوریده دولت قدرت مطلقه سنه استناداً آغز
وتهلکه لی زمانلرده اهالی بی کندیسنه آوانس اعطا ایتمکجه جبرایدیر . علی الا کثر فائض
یاپیلان بو استقراض ویرکونك ماهیت مجبوریه سنی حائزدر . شو فرق ایله که بونده دولت
کسب ثروت ایتدیکی زمان استقراض ایلدیکی پاره نك اعاده سی تعهد ایلر .

ماضیده بو طرزده وقوعبولان استقراض تجربه لری عمومیتله غایت فنا نتیجه لرویرمشدیر
۱۷۹۳ ، ۱۷۹۵ ، ۱۷۹۹ تاریخلرنده فرانسه ده زنکینلردن آلتق ایسته نن استقراضات
مجبوریه تماماً موفقیتسزلکه نتیجه لشمدر . اداره برحق تضییقات و تعقیبات اجرا ایدلمسینه
رغمأ کندیلردن بورج ایسته نیلن زنکینلر سوء نیتلردن ناشی ثروتلریتی کتم و اخفا
ایله مشاردیر . یالکز ۱۸۱۵ تاریخنده بارون لوئی Louis طرفدن اجرا ایدیلن ۱۰۰ میلیون
فرانقلق ره کیزیسیون که ولایات آره سنده تقسیم ایدلمش و باشلیجه اصحاب املاک طرفندن
ویرلمش ایدی حکومت طرفندن تلقین اولونان امنیت واعتماده و حرب قاریشیق لقرینه نهایت
ویرمک حقنده کی مملکتک آرزوسنه بناءً موفقیت کامله ایله نتیجه لشمدر .

مع هذا حرب اخیردن بری استقراض مجبوری بعض مملکتلرده ، هولانداده ، یکی
زه لاندده ، اوسترایلاده ، لهستانده تکرار ظهور ایله مشدر . یکی زه لاندده ۱۹۱۷ سنه سنده
و آوسترایلاده ۱۹۱۸ ده اوילה بعض تدابیر اتخاذ اولنمشدر که بونلره نظراً ، اگر استقراضات
اختیاریه امید ایدیلن مقداره بالغ اولمازسه مکلفین ویردکلری ایراد ویرکوسنک برقاچ مثالی

فرق اوله رق تسویه مجبور وعدم تسویه حالنده جزای نقدی ایله محکوم اولورلر. لهستان حکومتی ۱۶ تموز ۱۹۲۰ تاریخی قانون ایله یوزده ۳ فائضی ۱۵ ملیون له مارقلق بر استقراض مجبوری احداث ایله مشدر. بوقانونه نظر آسرمایه سی ویا ایرادی بر مقدار معینی تجاوز ایدن بالجمله مکلفین ثروتلری نسبتنده بو استقراضه اشتراکه مجبور طوتلشلردر. استقراض مجبوری شدتلی و تضییقکار بر تدبیر اولوب انجق بر مملکتک موجودیتی تهلیکهیه اوغرا دینی زمان مراجعت ایدیلورسه معذور کوریه بیلیر. اکثر احوالده استقراض مجبوری فائده سز و مضر بر تدبیردر: زیرا فائض ویرلمه مک صورتیه دولته تأمین ایتدیکی تصرف اعتبارینه ایراث ایتدیکی خلله و حصوله کتیردیکی مشکلات سیاسی و اقتصادییه دکمز. مقرضلرک ثروتلرینک تحقیقی قولای ویا زور عناصردن مرکب اولمسنه نظر آ پک غیر مساوی تأثیرات وجوده کتیرر.

سرمایه اوزرینه طرح اولنورسه ده آ ز ظالمانه اولور. چونکه براستقراضدر، مصادره دکلدرد. مع هذا نسبتی یوکسک اولورسه تکمیل محاذیر اقتصادی ظهور ایدر. ذاتاً فعلیاتده علاقه دارلرک اختیاری بر صورتده یازمللرینی تأمین ایچون اتخاذ اولونان تدابیر نوعاً زجر و تهدید ماهیتنده در. ایشته یکی زه لانداده و آوسترالیاده بوضورتله حرکت ایدلمشدر.

ذاتاً حکومتلر بوقدر خوشنودسز لغه بادی اولان بر تدبیره آچیقجه مراجعتدن قورقارلر و بالواسطه بر طاقم تدابیره مراجعت وتوسل ایدرلر. بونلرک باشلیجه لری تداول جبری یی حائر اوراق نقدیه اخراجی و (قونسولیداسیون - تحکیم) در.

تداول جبری یی حائر اوراق نقدیه اخراجی. — تداول جبری یی حائر اوراق نقدیه اخراجی [۰] حقیقی بر استقراضه معادلدر. زیرا دولت بورجلی اولدینی شیئی نقداً تأدیه ایده جکی یرده آلا جقلیلرینه بر کاغذ ویرر. بوکاغذک مقابلی اولان نقد معدنی یی آنجق تداول مجبوری قالدیرلدینی زمان اوده در. بنابرین بورجلی اولدینی مبالغک حق انتفاع و استعمالنی رأساً کندیسنه حصر ایله مش اولور.

اوراق نقدیه اخراجی دولت ایچون اولدقجه جاذب بر اصولدر: اولاً قولایدر، ثانیاً دولته مستعجل و باد هوا بر چوق پارملر تأمین ایدر. هرکس چوق متأثر اولمادن بوکا تحمل

[۰] برکاغذک تداول جبری یی حائر اولمی دیمک افرادک بوکاغذلری اخراج ایدن بانقیه و یادولته ایراز ایدرک مقابل نقدیلرینی طلب ایده مسمی دیمکدر.

ایلر . کاغذک قیمتته خلل کلمه دجکه فی الحقیقه اهالی ایچون معدن ایله ویا کاغذ ایله تأدیات اجرا سنده فرق یوقدر . یالکیز بو اصول مالی نقطه نظر دن پک تهلکه لیدر . زیرا دولت اخراجاتده افراطدن نادراً مجانبت ایلر . بو ایسه اوراق نقدیه نک عمومی وعلی الا کثر غیر قابل تداوی برتنزل قیمتنی ایجاب ایلر . ایشته فرانسه ده آسینالر زماننده بویله اولمشدر . ۱۷۸۹ تاریخندن ۱۷۹۵ تاریخنه قدر اختلال حکومتلری ۴۵ میلیاردن فضله آسینا احداث ایتدیلر . نهایت ۱۷۹۶ تاریخنده ۱۰۰ فرانلق بر آسینانک قیمتی ۵۰ سانتیمه دوشدی . بوتنزل قیمتته رغماً دولت بواسینالری مأمورلرینک ایلغنه ، متعهدلرک و داینلرک مطلوباتنه مقابل باشه باش تأدیه ده دوام ایتکده ایدی . بویله ۴۵ میلیاردک کاغذک آلتونله مبادله سی ماده غیر ممکن اولدیغندن بونک نتیجه طبعیه سی افلاس ایتک ایدی . نته کیم ۱۷۹۶ - ۱۷۹۷ ده دولت افلاس ایتدی .

دولته لازم اولان منابعی تدارک و تأمین ایتک اوزره تداول جبری یه فرانسه ده ۱۸۷۰ تاریخندن ۱۸۷۸ تاریخنه قدر دها بردفعه مراجعت اولوندی . بودفعه دولت بالذات اوراق نقدیه اخراجندن مجانبت ایتدی . حربک نتیجه سی اولان احتیاجات مالیه نک تحت تأثیرنده اولان دولت فرانسه بانقهنه مراجعت ایدرک آوانس طلب ایتدی [۱] بو آوانسلرک یکونی ۱ مليار ۵۳۰ میلیونه بالغ اولمش و بوکا مقابل بانقهنک اوراق نقدیه سنه تداول مجبوری بخش ایدلمش ایدی . مع مافیه بانقه اخراجاتده پک مدبر طاوراندیغندن و بوندن ماعدا قانون تداولده بولنه جق اوراق نقدیه نک حد اعظمیسنی ۳ مليار ۲۰۰ میلیون اوله رق تحدید ایلدیکندن اوراق نقدیه نک تنزل قیمتی پک آز و تمامیه موقت اولمشدر . ۱۹۱۴ محاربه سی فرانسه یه ینه تداول مجبوری نی کتیرمش و ۹ اغستوس ۱۹۱۴ قانونیه تداول مجبوری تأسیس واحیا ایدلمشدر . بانقه مقاولات متعاقبه موجبجه ، دولته ۲۷ مليار آوانس ویرمش و بو آوانسه قارشولق تدارک ایتک اوزره اوراق نقدیه سنک تزییدی مساعده سی استحصال ایلمشدر . اوراق نقدیه سنک مقداری ۴۰ مليار قدر ابلاغ اولمشدر [۲] حرب اثناسنده تعذیب ایدیلن فنابر سیاست مالیه نک نتیجه سی اولارق بوحال و بونک نتیجه سی اولان فضله اوراق نقدیه [۱] انکاتره بانقهنه انکلیز حکومتی طرفندن یاپیلان استقراضات نتیجه سنده بوراده دخی ۱۷۹۷

تاریخندن ۱۸۲۷ تاریخنه قدر تداول مجبوری یه مراجعت ایدلمشدر .
[۲] ۱۹۲۰ تاریخلی بودجه قانونک ۷۴ نجی ماده سی ۳ میلیاردک اوراق نقدیه دها اخراجی ایچون بانقهنه مساعده ویرمکده در . بومقدارله تداولده بولنان اوراق نقدیه ۴۳ مليار بالغ اولمشدر . مع مافیه یکی اخراجات آنجی « تجارتک احتیاجاتی » ایچون اولوب دولته یکی آوانس ویرمک ایچون دکدر .

تأسیسی و اخراجی بو اوراقك تنزل قیمتتی ایجاب ایتش درکه بوده اشیا فیثاتنك عمومیتله
ترایدنی وقامیونك ضررینی انتاج ایله مشدر .
دها آز شایع اولان و فقط اوراق نقدیه اخراجنه ماهیه بکزه یین دیگر بر اصولده
داینرینه رانت اوراقیه تأدیاده بولونمق اصولیدر . برنجی ایمپراطورلق بعض دفعه
متعهدله تأدیاده بولونمق ایچون بواصوله مراجعت ایله مشدر .
اشبو رانت اوراقی بورسده یوزی ۸۵،۸۰ فرانق ایتکده ایکن بونلر متعهدله
باشه باش ویرلکده ایدی . بنابرین استقراض مجبوری حقیقته قسماً برافلاس ایله قاریشمده
ایدی . ۱۹۱۴ محاربه سی بدایتنده دولت ، ۳ تموز ۱۸۷۷ تاریخی استموال عسکری Requisitions
Militaires قانوننك کنديسه بخش ایتدیکی اقتدار ایستعمال ایدرك آلدینی امواله مقابل
خزینه بونولری ویرمشدر . عین اصل بالآخره سفر برلنك الفاسنك ایجاب ایتدیکی
پریملرک تأدیهنده دخی استعمال اولونمشدر .

تحکیم Consolidation . — مضایقه دوشن حکومتلرک علی الاکثر مراجعت
ایتدکری تحکیم اصولی « قیصه وعدهلی ویاخود آلاجلینك طلب ایتدیکی زمان واجب الادا
اولان دیونك دیون دائمیه ویاخود اوزون وعدهلی دیونه تحویل ایدلمسی » اصولیدر
— پول لوروا بولیو — . دولت بو واسطه ایله تأدییه مجبور اولدینی مبالغی یکی بروعه
ایله تکرار استقراض ایتش اولور .

بعض احوال وارددرکه بر دولت ایچون تحکیم ضروری بر تدبیر احتیاطی اولور : مثلاً
معلوم اولدینی اوزره دیون متموجهنك یکونی یوکسک بدرجهیه واردینی زمان دیون
مذکورهنك تحکیمی الزمدر . بونکله برابر تحکیم اختیاری اولورسه حقانیت نقطه نظرندن
هیچ براعتراضی دعوت ایتدن اجرا اولنه بیلور . اختیاری دیمک داینك ایسترسه سرمایه سنی
هان آلمق ، ایسترسه آلاجلنی دها اوزون ویاخود مؤبد وعدهلی برسنده تحویل و تبدیل
ایله مک خصوصنده حق خیاری اولسی دیمکدر . بعضاً دولت اوزون وعدهلی ویاخود مؤبد
براستقراض اخراج ایدرك بونك حاصلیه قیصه وعدهلی استقراضی اودر .

اختیاری تحکیمه مثال اوله رق ۱۸۸۳ ده فرانسه حکومتی طرفندن اجرا ایدیلن معامله
بیان اولنه بیلور شویله که : ده یوزیطو و تأمینات صندوقنك موافقتیه تصرف صندوقنده کی
حساب جاریسی برملیار ایکی یوز ملیونلق رانت اوراقیه تبدیل ایله مشدر . برده ۱۹۱۵

سنه سندن بری اخراج اولندان بونوك استقراضلرده مقرضلره اشتراك ايتدكلى مقداره مقابل خزينه تحويلاى و بونولرى و يرمك حقى و يرمشدر .

بالعكس تحكيم مجبورى اولورسه پك زياده شاين تقبيحدر . بصورت معامله ده مقاوله يه صريح بر تجاوز وارد . چونكه دايين معين اولان وعده ختامنده پاره سنى آلامايور . آنجق مشكل زمانلرده تطبيق ايديان بوتدير على الاكثر قسماً بر افلاس ايله ده آغزلاشير . مثلاً ۱۸۴۸ ده فرانسه ده بو حال ظهور ايتمشدر . ۷ تموز ۱۸۴۸ تاريخلى ايكي قرارنامه ايله وعده لرى حلول ايتمش اولان خزينه بونولرى رأس المال وفائضلى ايله برلكده ۵۵ فرانق اوزرندن يوزده اوچ فائضلى رانته تحويل و تحكيم اولندى . حالبوكه رانت بورسده آنجق ۴۳ فرانق ايدىيور ايدى . تصرف صندوقلرينك دپوزيطوسى ده بوكا مشابه بر معامله يه تابع طوتلشدر : يكونى ۸۰ فرانكى تجاوز ايدن تكميل جزدانلر ۸۰ فرانق اوزرندن يوزده بش فائضلى رانته تحويل و تحكيم ايدلمش ايدى . حالبوكه بورانت بورسده ۷۳ فرانق ايتمكده ايدى .

استقراضات وطنپرورانه — استقراضات مجبوريه دن استقراضات اختياريه يه كچرسه ك اول امرده استقراضات وطنپرورانه يى كوريرز . استقراضات وطنپرورانه يى ديكرلرندن تفريق ايدن جهت شودر كه دولت ، بالخاصه كنديسنه مساعد شرائط استحصال ايتمك ايجون اشتراك ايتمك ايسته ينلرك وطنپرورلكرينه مراجعت ايلر .

تجربه كوسترمشدر كه بو استقراضات دائماً موفقيتسزلكه نتيجه لشمشدر : فى الحقيقه اكر حسيات نقطه نظرندن مسئله تدقيق ايديليرسه و طنداشر طرفندن پك ممدوح بر علاقه سزلى كوسترر ؛ فقط « ايش » نقطه نظرندن تدقيق و مطالعه اولنورسه على العاده آلدانمه جه بر بازارلى ديمكدر . استقراض بختنده ايسه « ايش » نقطه نظرى دائماً غالبدر . مثلاً ۱۸۳۰ و ۱۸۴۸ اختلالندن صكره حكومت يوزده بش فائضلى باشه باش براستقراض عقد ايتمك ايستديكى زمان بورسده رانت ۸۰ فرانق ايتمكده اولديغندن و بونك معناسى و طنداشرندن ۸۰ فرانق ايدن كاغدى آلوب ۱۰۰ فرانق و يرملىنى طلب ايتمك ديمك بولنديغندن هرايكي دفعه ده دخى انجق بر ربغى وضع ايده بيلمشدر .

بو استقراضات يالكلز موفقيتسزلكه نتيجه پذيراولماق قالماز بلكه ده بوعدم موفقيت ديكر مملكتلره قارشى پك مؤسف تاثيرات حصوله كتيبور . بوندن بشقه موفقيت حالنده بيله شو

محدوری وارد کر کے مقرر اولان دولته خصوصی برطاقم فوائد تأمینندہ هیچ علاقہ لری اولمایان اجانب بوکا اشتراك ایتزلر . حالبوکه اجنبی سرمایہ لرك اشتراكی مملکتك متداول سرمایہ سی اراستندہ کی بوشلنی طولدیرمغه یارار .

ایشته تکمیل بواسبابہ بناء مدافعه ملیہ حکومتی ۱۸۷۱ تاریخندہ بویوک براستقراض وطنپرورانہ آجیلمی حقندہ هر طرفدن کندیسنه وقوعبولان تکالیفی رد ایتشدرد .

استقراضات اختیاریه — شمدی استقراضات عادیه یه یعنی استقراضات اختیاریه یه کلدک . بواسقراضاتده دولت اهلینک منفعتنه مراجعت ایلر واونلرله سرمایہ پیاسه سنک وضعیت اقتصادی سنک کوستردیکی شرائط دائره سنده بازارلق ایدر . بنابرین اول امرده استقراضك اخراجی صورتلرینی ، ثانیاً اخراجك نمودجلرینی تدقیق ایدلم :

۲. — اخراج صورتلری

۱. — استقراض عقد ایتك ایسته یں بردولت مختلف اصوللرله بواسقراضی اخراج ایدمبیلیرکه بواسوللر باشلیجه اوچه ارجاع اولنه بیلور : اورا بانکرلرله مذاکره بایا عمومك یازلمی ثالثاً بورسده اخراج .

بانکرلرله مذاکره . — برنجی اصول مملکت مزده [فرانسه ده] بالخاصه رستوراسیون زماننده وتموز حکومتی دورنده موقع اعتبارده ایدی . بواسولده دولت طوغریدن طوغری یه خلق ایله مناسبته کیرمز وبرواسطه استخدام ایلر — برناقه ویا بانکرلر سندیقہ سی — بوواسطه استقراضی کندی حسابنه قطعاً صاتین آلیر وبالاخره کاروضرری کندینه عائد اولمق اوزره بواسقراض تحویلاتی خلقه صاتمغی درعهده ایلر . بانکرلر بوراده اورا سیغوریطه جی ثانیاً اسقونطوجی کی مداخله ایله مش اولورلر . سیغوریطه جی کی : زیرا استقراضك معین برقیاتله وضعی دولته تأمین ایدیورلر . اسقونطوجی کی : چونکه دولته استقراض حاصلنک یا تمامی یاخود برمقدارینی آوانس ایدرلر . استقراض اوراقنی آله جق ذوات ایسه بوبازری برمدت صکره تأدیبه ایدم جکلردر .

بومذاکره وبازارلق ایکی مختلف صورتله اولمبیلیر : یا بر ویا متعدد بانکر ایله طوغریدن طوغری یه بازارلق صورتیه . یاخود برویا متعدد بانکر دن هانکیسی شرائط نافعہ کوستریسه اکا ویرمک ایچون مزایده صورتیه .

بانکرلرله مذاکره دولته بعض فوائد تأمین ایلر: اولاً دولت محتاج اولدینی سرمایه به در حال واضع الید اولور واستقراضک تمامیه وضع ایدلسندن امین بولور. بوندن بشقه اعتباری پک صاغلام دکل ایسه بانکرلرکا شترا کی خلقه امنیت واعتماد القاایلر. چونکه اکراشدن امین اولسه لردی بانکرلرک بوایشه قاریشایه جقلرینی خلق تقدیر وتحمین ایلر. والحاصل بواصولده استقراضی اخراج ایده بیلجکی فیأت حقنده دولت الک حقیقی معلومات استحصال ایدر. زیرا بانکرلر پیاسه نك حالی دولتن ای بیلدکری کی آرالنده کی رقابت طولانیسیله اکر دولت مزایده صورتیه استقراض اخراج ایدر سه دهها زیاده استفاده تأمین ایله مش بولور.

بوکا مقابل بانکرلر برتمع طلب ایدرلر؛ استقراضی ممکن اولدینی قدردون بر فیأت ایله اشترا ایتک وبالاتر خره مشتریله بهالی صائق ایستلر. بوصورتله دولت ضرر ایدر.

بوندن بالطبع شونتیه چیقار: مادامکه بانکرلر بالاتر خره اهالی به صاتمق ودور ایتک ایچون کندی حسابلرینه استقراض تحویلاتی صاتون آیلورلر، نیچون دولت طوغریدن طوغری به بانکرلری توسط ایتهدن اهالی به مراجعت ایتهدور؛ ایشه بوایکنجی اصولدرکه فرانسه ده ایکنجی ایمپراطورلق دورندن اعتباراً تطبیق ایدلکه باشلانمشدر.

عمومک یازلمسی Souscription Publique. دولت اهالینک استقراضه یازلمسی ایچون بالذات بردفتر آچارسه بانکرلرک قازانه جنی تمتی تصرف ایتش اولور.

مع هذا عمومک یازلمسی اصولنک بعض محذورلری وازدر. برنجیسی شودرکه اکر دولتک اعتباری قوی ومؤسس دکل ایسه تکمیل استقراضی قیاداماق تهلکه سنه معروض اولور. بواویله برتهلکه درکه انجق احوال مالیه سی برامنیت کامله تلقین ایتهدن مملکتلری تهدید ایدر. فقط بوندن بشقه دهها عمومی برمحذور واردر. اوده دولتک استقراض تحویلاتی استحصال ایده جکی فیأتدن دهها دون بر فیأتله اخراج ایتکه مجبور اولمسیدر. فی الحقیقه ناظر مالی پیاسه نك حالی حقنده بانکرلردن دهها آز معلومات صاحبیدر. واستقراضک موفقیتله نتیجه لنسنی تأمین آرزوسیه دهها اشاغی بر فیأت اخراج قبوله متایلدر. بوندن بشقه فعلیاتده عمومک یازلمسی صورتیه اسهامک طوغریدن طوغری به رانتیه لک الله کچدیکنی ظن ایتهدمیلدر. اشتراک عملیه سی علی العاده بویوک سرمایه دارلر طرفندن یایلورکه بونلر بانکرلر ومالیه جیلردر.

بانکرلر ومالیه جیلر فیأتلرده ترفع وقوع بولونجه به قدر اسهامی صاقلارلر. وفیئاتلر

الك يوكسك درجه يه وارنجه يواش صاتمغه باشلارلر كه بودفعه اسهام مذكوره يي مبايعه ايدن رانتيه لرك النده قطعياً قالير . ماليه جيلرك بومداخله سی على الاكثر پك فائده ليدر . زيرا استقراضك ياريسنى سپه كولاسيون سرمايه لرى واسطه سيله تحمل ايدر وبوسايه ده تصرف سرمايه لر ينك تشكلى ايچون وقت قازانديرر . بوتصرف سرمايه لرى ياواش تراكم ايدرك متزايداً وقوتلرى نسبتنده استقراض تحويلاتنى بلع ايدر . اكر برزمان معينده پياسه يه بويوك استقراضلر آتيليرسه تصرف واسطه سيله بونلرى تماميله قياده حق منابع كافيه بولنه ميه جنى قولايجه منضم اولور . سپه كولاسيون جيلر النده بولنان استقراض تحويلاتنك تماميله - بورس لساننده مستعمل تعبير وجهله - يرلشمسى ايچون بعض دفعه بر قاج سنه لر كچمسى لازمدر . اكر استقراض تحويلاتى نامه محرر اولورسه بونوع تحويلات آنجق قطعى يرلشمه لره موافقدر . تحويلات حامله محرر اولدينى تقديرده ايسه الدن اله كچمسنده كى سهولته بناءً اسپه كولاسيون جيلرك معاملاتنه اساس اولور .

مع مافيه اسپه كولاسيونك نافع اولان بورولنى افراط درجه ده تشويق ايتمه مك ودها بدايتمه استقراضك بر قسمنى كوچوك تصرفاته تخصيص ايله مك ، تعبير آخرله «ده موقراتيزه» ايتمك ايچون اكثر يتله «غير قابل رد اشتراك Souscriptions irreductibles» اصولنه مراجعت اولنور . بواصول شوندن عبارتدر : برمقدار معينى (مثلا يوزده اوچ فائضى ۳ ويا ۶ فرانلق رانت كه ۱۰۰ ياخود ۲۰۰ فرانق سرمايه يه تقابل ايلر) تجاوز ايتمين كوچوك اشتراكلر ، استقراض برقاج دفعه قيامش بيله اولسه ، تنزيل اولونماز . تنزيلات انجق بويوك مشتركلره تطبيق اولنور وبونلر يازلدقلى تحويلات عدد ينك آنجق بر قسمنى آلمقه اكتفا ايلرلر . بواصول كوچوك رانتيه لرك لهنه اولمق اوزره اوافق اشتراكلر قبوليله پك اعلا تأليف اولنه بيلور . فرانسه ده اصغرى اشتراك اون طقوزنجى عصر ك ابتداسندن برى تدريجاً تنزيل ايدلمشدر . صوك استقراضلر ائناسنده ۱۰۰ فرانق سرمايه اعتبارى يه مساوى براراده تنزيل اولونمش ايدى : يعنى يوز فرانقه مالك اولان هر آدم استقراضه يازيله بيلمش ايدى .

[مابعدى وار]

عبدى زاده صبر حسين

علم مالى وقوانين مالىه مدرسى